

Na osnovu člana 61. stav (2) Zakona o upravi („Službeni glasnik BiH“, br. 32/02 i 102/09), a u skladu sa odredbama Zakona o bibliotečkoj djelatnosti („Službeni list R BiH“, broj 37/95), direktor Direkcije za evropske integracije donosi

**PRAVILNIK O IZMJENAMA I DOPUNAMA
PRAVILNIKA O RADU BIBLIOTEKE
DIREKCIJE ZA EVROPSKE INTEGRACIJE**

Član 1.

(1) U Pravilniku o radu Biblioteke Direkcije za evropske integracije broj: 05/B-02-2-BT-1055/11 od 05.07.2011. godine i broj: 05/B-02-2-BT-1055-2/11 od 27.03.2012. godine, u članu 5. stav (1) iza riječi: „građi“ interpunkcijski znak „zarez“ se zamjenjuje „tačkom“ a riječi: „kao i obavezno dostavljanje štampanog materijala“ brišu se.

(2) Iza stava (1) dodaje se novi stav (2) koji glasi:

„(2) Biblioteka je obavezna, štampani kao i drugi materijal čiji je izdavač Direkcija, dostavljati Nacionalnoj i univerzitetskoj biblioteci Bosne i Hercegovine u skladu sa odredbama člana 40., 41. i 42. Zakona o bibliotečkoj djelatnosti („Službeni list R BiH“, broj 37/95)“.

Član 2.

(1) U članu 7. stav (1) tačka 1. mijenja se i glasi:

„1. Učešće u procesu nabavke bibliotečke građe“.

(2) U tački 5. poslije riječi: „posudba“ dodaju se riječi: „i saradnja“.

(3) Tačka 6. mijenja se i glasi:

„6. Poslove revizije i predlaganje otpisa bibliotečke građe“.

(4) Poslije tačke 6. dodaju se nove tačke 7. 8. i 9. koje glase:

„7. Saradnju sa Nacionalnom i univerzitetskom bibliotekom Bosne i Hercegovine po pitanju izdanja Direkcije,

8. Evidenciju svih izdanja Direkcije i njihovo uvrštavanje u fond biblioteke,

9. Sve druge aktivnosti predviđene Pravilnikom o izdavačkoj djelatnosti Direkcije za evropske integracije broj 05-02-2-1222/13,“

(5) Dosadašnja tačka 7. postaje tačka 10.

Član 3.

(1) U članu 17. stav (1) riječ: „godišnje“ briše se.

(2) Poslije stava (1) dodaje se novi stav (2) koji glasi:

„(2) Anketa se provodi jednom u tri godine ili češće u zavisnosti od planiranih i raspoloživih finansijskih sredstava“.

(3) U dosadašnjem stavu (2) poslije riječi: „jedinica“ dodaju se riječi: „i razvrstava ih prema sektorima, te iste šalje pomoćnicima direktora na usaglašavanje prije formiranja konačne liste“.

(4) Dosadašnji stavovi (2) i (3) postaju stavovi (3) i (4).

Član 4.

(1) U članu 20. poslije stava (1) dodaju se novi stavovi (2), (3) i (4) koji glase:

„(2) Mišljenje bibliotekara iz stava (1) ovog člana zasniva se na procjeni da li je sadržaj donirane publikacije u skladu sa članom 14. ovog Pravilnika.

(3) Naslovi čiji sadržaj nije u skladu sa članom 14. ovog Pravilnika izdvajaju se u fond za razmjenu i ne ulaze u fond Biblioteke odnosno ne upisuju se u inventurnu knjigu.

(4) Ukoliko se radi o ponudi za kupovinom određene publikacije, direktor Direkcije, uz prethodno pribavljeno mišljenje bibliotekara, donosi konačnu odluku o prihvatanju ponude.“

(2) Dosadašnji stavovi (2), (3), (4) i (5) postaju stavovi (5), (6), (7) i (8).

Član 5.

U članu 23. dodaje se novi stav (2) koji glasi:

„(2) Vanjski korisnici Biblioteke mogu biti: osobe uvrštene na Listu predavača Direkcije, studenti, naučno-istraživački radnici i drugi zainteresirani građani čiji se pismeni zahtjev za korištenjem Biblioteke ocijeni opravdanim.“

Član 6.

U članu 24. stav (1) „tačka“ se briše i dodaju riječi: „a prema uslovima propisanim ovim Pravilnikom.“

Član 7.

U članu 25. stav (1) riječi: „i vanjskim korisnicima“ brišu se.

Član 8.

Član 27. mijenja se i glasi:

„(1) Članovi Biblioteke, u pravilu, mogu da koriste fond Biblioteke putem običnog reversa do dvije sedmice uz mogućnost produženja za još dvije sedmice.

(2) Izuzetno i u svrhu obavljanja posla, članovi Biblioteke mogu da koriste fond Biblioteke na neodređen vremenski period i to putem trajnog reversa na nivou Sektora/Službe u okviru kojeg rade.

(3) Putem međubibliotečke posudbe, članovi Biblioteke mogu da koriste fondove drugih biblioteka u zemlji i inostranstvu s kojima Direkcija ima uspostavljenu saradnju.

(4) Članovi Biblioteke imaju pravo i na informacijske i referalne usluge bibliotekara, u skladu sa raspoloživim vremenom, kao i na pristup bazama i drugim izvorima informacija.“

Član 9.

U članu 28. dodaje se novi stav (3) koji glasi:

„(3) Međubibliotečka posudba je rezultat međubibliotečke saradnje“.

Član 10.

Poslije člana 28. dodaje se novi član 28.a koji glasi:

„Član 28.a

(1) Direktor Direkcije, na preporuku bibliotekara, može uspostaviti međubibliotečku saradnju sa drugom samostalnom bibliotekom ili bibliotekom u sastavu koja direktno ima veze sa profilom biblioteke Direkcije.

(2) Nakon prihvatanja međubibliotečke saradnje, Direkcija nudi Sporazum o saradnji sa bibliotekama iz stava (1) ovog člana, kojim se regulišu međusobna prava i obaveze iz predmetne saradnje a koje mogu poboljšati komunikaciju i preduprijeti nesporazume.

(3) Sporazum o saradnji sadrži slijedeće podatke: nazive dvije institucije odnosno biblioteke, rokove posudbe bibliotečke građe, iznos za naknadu eventualne štete ili gubitka posuđene publikacije i dr.“

Član 11.

U članu 30. stav (1) „tačka“ se briše i dodaju riječi: „ukoliko se radi o posudbi bibliotečkog materijala druge biblioteke koji je u direktnoj vezi sa obavljanjem radnog zadatka.“

Član 12.

Član 31. mijenja se i glasi:

„Član 31.

(1) Članovi Biblioteke, kao i vanjski korisnici obavezni su pažljivo postupati s posuđenom građom, što uključuje zabranu presavijanja i trganja listova, pisanja, podvlačenja, ljepljenja stranica i slično.

(2) Prilikom posudbe potrebno je pregledati posuđenu građu i prijaviti eventualna oštećenja ili nedostatke, jer se naknadne prijave neće uvažavati.

(3) Članovi Biblioteke dužni su vratiti posuđenu publikaciju nakon isteka dvije sedmice odnosno nakon isteka mjesec dana u slučaju produženog reversa.“

Član 13.

U članu 32. stav (1) riječi: „i vanjskim korisnicima“ brišu se.

Član 14.

U članu 34. stav (1) riječi: „i vanjski korisnici“ brišu se.

Član 15.

U članu 44. stav (4) broj „12“ mijenja se rječju: „decembar“, a „tačka“ se zamjenjuje „zarezmom“ i dodaju riječi: „a u saradnji sa bibliotekarom u skladu sa stavom (3) ovog člana.“

Član 16.

U članu 45. stav (1) mijenja se i glasi:

„(1) Uposleni i pripravnici se upoznaju sa odredbama ovog Pravilnika prilikom zasnivanja radnog odnosa u Direkciji, u okviru redovnog upoznavanja sa internim aktima Direkcije.“

Član 17.

U članu 47. poslije riječi: „Biblioteke“ dodaje se “zarez” i riječi: „kao i vanjski korisnici“.

Član 18.

Član 48. briše se.

Član 19.

Član 49. briše se.

Član 20.

Ovaj Pravilnik stupa na snagu danom donošenja.

Broj: 05/B-02-2-1472/13
Sarajevo, 16.09.2013. godine



DIREKTOR

Nevenka Savić